

Yumi faenem i had blong kase olgeta fish



I gat wan problem wetem
olgeta marin risos blong yumi?

Olgeta marin risos blong yumi
oli provaedem kakae mo mane long haos blong yumi.
Plante komiuniti oli ovahavestem olgeta marin risos blong olgeta.
Olsem wanem long yumi?

Yumi no stap katjem tumas?

Naoia yumi stap katjem olgeta smol
saes nomo from ating i no moa gat
olgeta bigfala wan?

I had blong faenem
komesol impoten
marin animol?



BIGFALA RISEN BLONG YUMI NO STAP KATJEM TUMAS OLSEM BIFO I INKLUDIM:

- ➔ Plante moa man oli fishing mo katjem plante fish tumas
- ➔ Yus blong ol niu o tul blong fising we I tabu blong kase ol smol fis o we I mekem I isi tumas
- ➔ Katjem olgeta fish bifo oli putum olgeta ek
- ➔ Fasin blong spoem olgeta eria we oli impoten long olgeta fish olsem korel, gras we i gro long solwota mo olgeta natongtong
- ➔ Olgeta aktiviti we i stap tekem ples long graon olsem logging o faming we i save spoem solwota olsem tru long olgeta riva mo wota we i ron go lo solwota taem i rein.

OLSEM WANEM NAO YUMI SAVE STAT?

Yumi shud toktok raon insaed long komiuniti blong faenemaot sipos i gat saen se olgeta man oli stap fishing ova tumas. Sipos i tru wanem yumi save MEKEM NAOIA? Olsem wanem nao long olgeta rul blong raet?

Yumi mas tekem evriwan long komiuniti blong oli tekpat.

Yumi nid blong blong mekem olgeta narafala man blong oli save long nid ia blong manejem mo protektem olgeta marin risos mo impoten marin habitat blong yumi. Yumi save serem olgeta posta ia mo olgeta narafala infomeisen long olgeta klinik, skul, jej mo olgeta narafala ples we i gat ol pipol long hem. Yumi save toktok raon long olgeta komon problem – olsem olgeta intaviu long radio mo long olgeta pablik miting. Yumi save askem help tu long olgeta nasonal otoriti o olgeta NGO.

Namba wan manejem blong
olgeta marin risos (inkludim
olgeta natongtong, lagoon mo
korel rif) hemi blong yumi
wok tugeta mo mekem
santing i hapen!



YUMI MAS MEKEM I HAPEN NAOIA BIFO HEMI LEIT TUMAS

Fasin we i lukim i nogat inaf fish i hapen from se man hemi mekem – hemia nao i mekem se yumi mas manejem olgeta risos blong yumi long solwota. Yumi nid blong gat olgeta loa blong protektem laef blong olgeta santing we oli stap long solwota mo olgeta ples we oli stap long hem. Olgeta otoriti blong Nasonal fisheris oli putum olgeta rul blong help blong kipim impoten kakae ia mo mane blong kam insaed mo yumi mas sapotem olgeta. Wan marin ekosistem we hemi damej hemi had blong oli mekem i kam gud bakegen.

LOKOL KOMIUNITI I SAVE MEKEM SAM LONG OLGETA RUL. YUMI SAVE:

▶ Protektem olgeta fish we oli stap kakae olgeta plant

Olgeta fish olsem parrotfish, yunikonfish mo sejenfish oli kakae olgeta siwid we oli stap gro long olgeta korel rif.

▶ Protektem olgeta wotashed eria

Askem help blong gavman blong blong katem daon wota blong wasemaot olgeta sedimen mo nutrient long graon: hemia hemi mekem damej long plante ples we olgeta marin animol oli sstap long hem.

▶ Protektem olgeta ples we olgeta animol oli stap long hem

Evri kaen animol oli nidim ples blong kakae, liv mo gro long hem. Sam long olgeta animol oli yusum difren ples blong stap long olgeta difren pat blong laef. Olgeta impoten ples blong stap olsem korel rif, gras blong solwota mo olgeta natongtong.

▶ Lego olgeta fish we oli stap silip.

Stopem man blong daeva long naet taem olgeta fish oli stap silip.



▶ Livim olgeta smolmol fish mo shel i stap

Alaem wanwan long olgeta fish blong oli putum ek festaem bifo man i save kase olgeta.

▶ Livim sam long olgeta bigfala fish mo shel i stap

Wanwan long olgeta bigfala animol oli mekem plante ek. Protektem o livim sam long olgeta bigfala fish i stap blong oli save kontiniu blong riproduk mo provaedem fish blong yumi save kase olgeta.

▶ Setemap olgeta ples we bambae man i no save tekem olgeta fish long hem

Setemap olgeta eria blong protektem olgeta ples we olgeta fish oli liv long hem (korel rif, gras blong solwota mo olgeta natongtong). Olgeta eria we oli stopem man blong no tekem olgeta fish long hem oli save mekem se hemi impruvum ples we oli stap katjem fish long hem.

▶ Stopem olgeta wei blong fishing we oli stap mekem olgeta damej.

Olgeta man we oli yusum poisen mo daenamaet oli stap damejem olgeta korel rif mo marin laef we i dipen long olgeta.

Taem we yu wantem dring kokonat, yu no katem daon stamba blong kokonat,



I semark nomo, taem yu wantem wan fis NO spoem rif

▶ Stopem o katem daon fasin blong man i kase fish we i putum ek

Stopem man blong fishing samtaem long olgeta eria we man i save se fish i stap putum ek long hem.

▶ Stopem man blong fishing wetem smolmol net

Kontrollem saes blong olgeta net we man i yusum blong katjem fish wetem. Katem daon namba blong olgeta trap blong fish o fenis blong olgeta fish.



I gat plante narafala aksen we yumi save tekem. I no evri aksen we oli tokbaot antap ia oli stret blong man i yusum long evri kaen animol long solwota. SPC (www.spc.int) mo LMMA (www.lmmanetwork.org) i bin mekem plante long olgeta infomeisen pepa blong man i save ridim we oli stap naoia. Man i mas gat konsaltesen long olgeta wanwan infomeisen pepa ia blong save luk wanem manejem opsen nao hemi save tekem long wanwan long olgeta difren kaen animol blong solwota.



Blong save moa infomeisen, o blong karem kopi blong posta ia mo SPC/LMMA
Infomeisen kit blong fishing blong olgeta komiuniti, kontaktem:

Vanuatu Fisheries Department, PMB 9045, Port Vila, Vanuatu. Phone: 5333340
Pacific Community, BP D5, Noumea, New Caledonia. Email: spc@spc.int

